

REPUBLIC
OF
SOUTH AFRICA



REPUBLIEK
VAN
SUID-AFRIKA

Government Gazette Staatskoerant

Regulation Gazette

No. 6836

Regulasiekoerant


Vol. 420

PRETORIA, 22 JUNE
JUNIE 2000

No. 21317

We all have the power to prevent AIDS

AIDS
affects
us all



A
new
struggle

Prevention is the cure

**AIDS
HELPLINE**

0800 012 322

DEPARTMENT OF HEALTH

CONTENTS • INHOUD**No.****Page
No. Gazette
No.****GOEWERMENTSKENNISGEWING****Gesondheid, Departement van***Goewermentskennisgewing*

R. 638 Wet op Mediese Skemas, 1998 (131/1998): Wysiging van die algemene regulasies afgekondig kragtens die Wet op Mediese Skemas, 1998

3 21317

GOEWERMENTSKENNISGEWING

DEPARTEMENT VAN GESONDHEID

No. R. 638

22 Junie 2000

NOTA: Hierdie publikasie is die Afrikaanse weergawe van die Regulasies wat op 5 Junie 2000 onder Goewermentskennisgewing No. R. 569 slegs in Engels gepubliseer is

WET OP MEDIESE SKEMAS, 1998 (WET NO. 131 VAN 1998)**WYSIGING VAN DIE ALGEMENE REGULASIES AFGEKONDIG KRAGTENS
DIE WET OP MEDIESE SKEMAS, 1998**

Die Minister van Gesondheid het, kragtens artikel 67(1), gelees met artikel 67(3)(b), van die Wet op Mediese Skemas, 1998 (Wet No. 131 van 1998), na oorlegpleging met die Raad vir Mediese Skemas, die Regulasies in die Bylae afgekondig.

BYLAE**Woordomskrywing**

1. In hierdie regulasies beteken "die Regulasies" die regulasies afgekondig by Goewermentskennisgewing No. R. 1262 van 20 Oktober 1999.

Vervanging van regulasie 11 van die Regulasies

2. Regulasie 11 van die Regulasies word vervang deur die volgende regulasie:

- "11. (1) 'n Mediese skema kan van 'n applikant vereis om die mediese skema van 'n verslag te voorsien oor enige toestand wat geheers het ten tye van die aansoek, waarvoor mediese advies, diagnose, sorg of behandeling aanbeveel of ontvang is binne die 12-maandetydperk wat geëindig het op die datum waarop 'n aansoeker en sy of haar afhanklikes aansoek gedoen het.
- (2) 'n Mediese skema kan 'n nuwe lid en die lid se afhanklike(s) 'n algemene wagtydperk van tot drie maande opleë voordat sodanige lid of afhanklike(s) daarop geregtig is om enige voordele te eis.
- (3) 'n Lid kan kies om 'n betaling van tot drie maande te maak aan 'n mediese skema in plaas van die wagperiode in subregulasie (2) bedoel.
- (4) Behoudens subregulasie (5) kan 'n mediese skema 'n voorwaarde-spesifieke wagtydperk van hoogstens 12 maande aan 'n lid of afhanklike opleë ten opsigte van 'n siektetoestand wat voorheen geheers het.
- (5) 'n Mediese skema kan 'n wagtydperk van hoogstens een maand opleë aan 'n persoon of sy of haar afhanklike wie se lidmaatskap van 'n ander mediese skema beëindig is as gevolg van 'n verandering van werk en wat nie 'n lid of 'n

afhanklike vir 'n aaneenlopende tydperk van minstens twee jaar was nie.

- (6) 'n Persoon in subregulasie (5) bedoel, moet binne drie maande na die verandering van werk, aansoek om lidmaatskap doen .".

Vervanging van regulasie 12 van die Regulasies

3. Regulasie 12 van die Regulasies word hierby vervang deur die volgende regulasie:

"12. Geen wagtydperk mag toegepas word nie –

- (a) ten opsigte van 'n behandeling of diagnostiese prosedure wat gedek word binne die voorgeskrewe minimum voordele;
- (b) op 'n lid of afhanklike wat van een voordeelopsie na 'n ander verander binne dieselfde mediese skema tensy die lid of afhanklike onderwerp word aan 'n wagtydperk op die huidige opsie, in welke geval enige oorblywende tydperk toegepas kan word;
- (c) op 'n persoon wat lid van een of meer mediese skemas was vir 'n aaneenlopende tydperk van minstens 25 maande of 'n afhanklike van sodanige lid, en wat binne drie maande nadat lidmaatskap van die vorige mediese skema beëindig is, aansoek om lidmaatskap doen; of

- (d) op 'n afhanklike kind wat gedurende die tydperk van lidmaatskap gebore is."

Wysiging van regulasie 13 van die Regulasies

4. Regulasie 13 word hierby gewysig deur subregulasie (6) deur die volgende te vervang:

"(6) Mediese skemas moet vir 'n tydperk van 15 maande vanaf 1 Januarie 2000 tot 31 Maart 2001 laat aansluiters om lidmaatskap aanvaar sonder om enige van die boetes voorgeskryf in subregulasie (1) te hef en sodanige aansoeke moet aanvaar word op 'n basis van eerste kom, eerste geholpe. "

Wysiging van regulasie 28 van die Regulasies

5. Regulasie 28 van die Regulasies word hierby gewysig –

- (a) deur subregulasie (3) deur die volgende subregulasie te vervang:

"(3) Subregulasie (2) moet nie vertolk word asof 'n mediese skema beperk word om 'n glyskaal vir gelde gebaseer op die grootte van die groep wat voorgestel word, toe te pas nie, mits die maksimum bedrag ten opsigte waarvan 'n lid wat voorgestel word, nie oorskry word nie." ;

- (b) deur subregulasie (5) deur die volgende subregulasie te vervang:

"(5) 'n Mediese skema moet 'n persoon wat aansoek om lidmaatskap van 'n mediese skema doen, nie verhinder om

rede daardie persoon nie van 'n makelaar gebruik maak om
aansoek om lidmaatskap te doen nie."

- (c) deur subregulasie (7) deur die volgende subregulasie te vervang:

"(7) 'n Persoon wat as makelaar geakkrediteer wil word, moet skriftelik by die Raad aansoek doen en die aansoek moet vergesel gaan van dokumentêre bewys van 'n erkende opvoedkundige kwalifikasie en toepaslike ondervinding.";

- (d) deur subregulasie (9) deur die volgende subregulasie te vervang:

"(9) Individue wat nie aan die kwalifikasie van 'n makelaar voldoen nie, kan by die Raad aansoek om akkreditering as leerlingmakelaars doen en sodanige aansoeke moet vergesel gaan van dokumentêre bewys van –

- (a) Graad 12-onderwys;

- (b) ooreenkoms deur 'n ten volle geakkrediteerde makelaar om toesig te hou oor die aansoeker;

- (c) huidige akkreditasie van die toesighoudende makelaar; en

- (d) inskrywing in 'n studiekursus geborg deur 'n organisasie wat deur die Raad erken word.";

- (e) deur subregulasie (10) deur die volgende subregulasie te vervang:

"(10) Akkreditasie as makelaar kan deur die Raad verleen word vir twee jaar op 'n keer, om aan die einde van die tweede jaar te verstryk en sertifisering van makelaars en leerlingmakelaar moet op 'n jaarlikse grondslag toegestaan word en verstryk aan die einde van elke jaar.";

(f) deur die byvoeging van die volgende subregulasie:

"(11) Enigeen wat aan 'n makelaar vergoeding betaal het waar daar 'n wesenlike wanvoorstelling was, is geregtig op volle terugbetaling van al die geld wat betaal is.".

ME THSABALALA-MSIMANG
MINISTER VAN GESONDHEID

Printed by and obtainable from the Government Printer, Bosman Street, Private Bag X85, Pretoria, 0001

Publications: Tel: (012) 334-4508, 334-4509, 334-4510

Advertisements: Tel: (012) 334-4673, 334-4674, 334-4504

Subscriptions: Tel: (012) 334-4735, 334-4736, 334-4737

Cape Town Branch: Tel: (021) 465-7531

Gedruk deur en verkrygbaar by die Staatsdrukker, Bosmanstraat, Privaatsak X85, Pretoria, 0001

Publikasies: Tel: (012) 334-4508, 334-4509, 334-4510

Advertensies: Tel: (012) 334-4673, 334-4674, 334-4504

Subskripsies: Tel: (012) 334-4735, 334-4736, 334-4737

Kaapstad-tak: Tel: (021) 465-7531